

P1437/22

04.09.2022

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON
KANTONALNI SUD U MOSTARU
Broj: 07 0 U 020427 21 U
Mostar, 09.09.2022. godine

Kantonalni sud Mostar, po sudiji Medihi Boškailo-Veledar, sa zapisničarom Marijanom Križanac u upravnom sporu tužitelja Udruženje za borbu protiv korupcije „Transparency International u Bosni i Hercegovini“, Ul. Gajeva br.2. Banja Luka, koga zastupa predsjedavajući Upravnog odbora Srđan Blagovčanin, protiv upravnog akta broj: 01-04-28-123/21 od 14.12.2021. godine, tuženog Osnovna škola „Omer Maksumić“ Podvelež bb, u predmetu slobodnog pristupa informacijama, dana 09.09.2022. godine, donio je:

R J E Š E N J E

Obustavlja se postupak u ovoj pravnoj stvari.

Dužan je tuženi nadoknaditi tužitelju troškove postupka u iznosu 162,00 KM u roku od 30 dana.

O b r a z l o ž e n j e

Tužitelj Udruženje za borbu protiv korupcije „Transparency International u Bosni i Hercegovini“ je dana 28.12.2021.godine ovom sudu podnio tužbu protiv upravnog akta broj: 01-04-28-123/21 od 14.12.2021. godine, tuženog Osnovna škola „Omer Maksumić“. Osporenim aktom odbijena je žalba tužitelja protiv rješenja tuženog broj 01-04-28-117/21 od 26.11.2021.godine. Takvim rješenjem tuženom je djellimično onemogućen pristup traženoj informaciji.

Sud je tuženom dostavio tužbu, te zatražio dostavi spisa predmeta, pa je tuženi organ dana 12.01.2022.godine postupio po traženju suda dostavljajući spis i ističući da je dana 10.01.2022.godine poništio ovdje osporavano rješenje kojim je prvobitno bila odbijena žalba tužitelja, te da su uz novo rješenje tužitelju dostavljene sve tražene informacije, pa smatra da je ovaj upravni spor samim tim postao bespredmetan.

Nakon što je sud tužitelju dostavio odgovor na tužbu, tužitelj je podneskom od 02.02.2022.godine potvrdio da je tuženi dana 10.01.2022.godine donio novo rješenje kojim je stavio van snage ovdje pobijano rješenje i u cijelosti udovoljio zahtjevu tužitelja. Istim podneskom tužitelj je shodno odredbi člana 26. Zakona o upravnim sporovima („Sl. novine Federacije BiH“, broj: 9/05 u daljem tekstu ZUS) izjavio kako je zadovoljan novim upravnim aktom.

Odredbom člana 26.stav 2. ZUS-a predviđeno je da ako tužitelj izjavi da je zadovoljan naknadno donesenim upravnim aktom ili ako ne da izjavu u roku iz stava 1. istog člana nadležni sud će donijeti rješenje o obustavljanju postupka, pa kako su naveden uslovi ispunjeni odlučeno je kao u dispozitivu.

